

1933 年
第 4 卷 3, 5 期



3 1558 5735 6

諸 經 要 語

阿毘曇集異門足

林遠凡錄

假使我身血肉枯竭、唯皮筋骨連挂而存、若本所求勝法未獲、終不止息、爲精進故、應深受寒熱饑渴蛇蝎蚊蝥風雨等觸、又應忍受他人所發能生身中猛利辛楚、奪命苦受毀辱語言、

「評曰」本所求勝法未獲、終不止息、即宗門所謂本參話頭不破、誓不休歇之意也、

瑜 伽 師 地 論

六度初三足戒學攝、靜慮是心學攝、般若足慧學攝、唯精進徧於一切、

大 乘 莊 嚴 經 論

主心學道、發大勇猛、決趨菩提、

阿 毘 達 磨 論

菩薩於底沙佛時、合十指掌、翹於一足、以一伽陀、七日七夜歎佛功德、便超九劫、

「評曰」觀此、則法集所稱一日精進勝白年懈怠、信哉言乎、



專

件

汕頭佛教居士林林遠凡居士倡建丁丑元月七期

念佛法會規儀

惟念一句彌陀

共了生死大事

引 言

七期規約

時至末法，淨土學人每多發謬心宗，求其究竟，則曰：心法難學，若少相應，便成口頭禪和，臨終隨業而去，是持名念佛之爲虛也，故禪之一字素不喜聞，嗟呼！心法之微，固不若念佛之容易領會，普適羣機，但念佛亦須念念相續，心心無間，否則口念心散，焉能橫截生死，是口頭念佛而不明心者，猶世人說夢而不知醒仍是夢也，夫全卷彌陀，惟在「一心不亂」四字，本師金口宣揚，慈父因中發願，要求往生，可觀之乎，遠凡德薄能鮮，根機下劣，念佛數年，未能一心，嗟歲月如流，知色身易壞，若不急求解脫，輪廻立即現前，故擬乘此舊曆元旦，各界例假多天，敬依經語，立七爲期，請求淨業同志，共發甚深宏願，信佛金口誠言，專持如來聖號，若能一念七日，決定感應道交，茲定規儀於後，願閱者見者，熱烈參加，齊轉俗事爲佛事，咸即色身成法身，豈不妙哉。

(主七) 請說法師一位開示法要，請主儀師一位主持儀禮。

(法衆) 不拘多少位，但須於十天前預先報名，並須自起至止，非有十分意外急事不得缺席，又每人應自備伙食七天共一元四角(先交廚房)，七天早晨下午點心及茶水什役等費共一元(先交茶房)。

(隨喜) 不拘時間，皆可隨緣參加，但須依照儀規順序入座，來時不問，去時不告，以省俗語應付，並須自備參加時一切費用，計飯菜每餐一角(先交廚房)，點心茶水及其他什費每天共二

角(先交茶房)

(習儀) 七前第一晚法衆齊集，恭請說法師開示佛七要義，主儀師開示行坐起止聲默號分別，及一切威儀。

(功課) 每天分爲五節，一心念佛須無間斷，計每晨五點開鐘聲起床洗面食點心，事畢開鳴上課號即依次序就位。

一節約六點上課至八點下課食早粥(二點鐘)
二節九點上課至十二點下課食午飯(三點鐘)
三節點心上課至三點下課食點心(點半鐘)

四節三點半上課至五點半下課晚餐(二點鐘)
五節七點上課至八點半下課安睡(點半鐘)

(附註) 上課時分行念，坐念，聲念，默念，由主儀師循環支配之，計第一天第一節依照儀規禮佛發願誦經讚佛後念佛，第三節於坐念之初，即由主儀師鳴號請說法師開示法要後念佛，其餘各節乃至每天，無論早晚，鳴號上課時大衆依次齊集，即

民國二十六年一月十五日

第卅九期

第三頁

由主儀師鳴號禮佛，三拜後接續鳴號念佛，下課時念佛至佛前，即由主儀師鳴號禮佛，三拜後大眾對立問訊下課。概不雜讀經咒及說開示，大眾出聲念佛時須口念耳聽，字字清楚默念念佛時，須念念分明，心心無間，雖下課後，無論行住坐臥，穿衣食飯，大小便利，須將佛號攝在心中，了了明明，如是不斷，便是得力，直至

【一】排班
大眾依序對面立

【二】禮佛
向佛問訊三拜

【三】香讚
爐香乍爇，法界蒙熏，諸佛海會悉遙聞，隨處結祥雲，誠意方殷，諸佛現全身。

南無香雲蓋菩薩摩訶薩(三遍)

【四】禮敬諸佛
南無靈山會上佛菩薩(三稱)

行不知行，坐不知坐，惟有昭昭靈靈，佛號分明，即是一心消息，當此之時，切須正念堅固，莫起絲毫異心，苟無絲毫異心，剎那道交，親見彌陀授記，既蒙彌陀授記，報盡往生定無礙矣，第七日最後一節，念佛至佛前，則依照儀規稱觀世音菩薩，大勢至菩薩，清淨大海衆菩薩，各百聲，接續迴過偶，三皈依，禮佛三拜後，大眾對面立，唱十方二世一切佛，一切菩薩摩訶薩，摩訶般若波羅蜜，唱畢大眾問訊，佛七圓成，是合七天功課為堂也。

佛禮儀規

【五】發願

仰十方常住三寶，釋迦本師，彌陀慈父，諸佛菩薩，觀音勢至，蓮池會上一切聖衆，謹法諸天，唯願慈悲，證明發願，弟子與現前大眾，建立七期念佛法會，并發大心，有十因緣，一者念佛恩重冀同佛願故，二者念歷劫父母眷屬深恩圖報効故，三者念生死輪迴極苦求解脫故，四者自傷屢劫不修福慧，取幻分別，以致墜落故，五者觀茲末法衆生執迷可憐故，六者佛法難聞，欣今得聞故，七者人身難得，欣今已得故，八者善知識結集法會甚難得值，今已值故，九者令諸衆生得諸正修行法，皈依三寶，遠離邪見故，十者與現前大眾，同發誓願，一心念佛，願慈光照處，頓悟圓明，俾生得普利有情，死得安歸極樂速成正覺故，今於佛前，合掌恭敬而發十願。

第一願者，願諸佛菩薩，護法諸天，慈光攝受現前衆等，及諸恩怨眷屬乃至十方衆生，俾三世業障水銷，正行皆得如願
第二願者，願我歷劫父母及諸恩怨眷屬，得承三寶威力，皆離惡趣，生於人天，見佛聞法，修成佛道。
第三願者，願我現生幻聚父母，及諸恩怨眷屬，得蒙佛光普照，皆信佛道，成立佛法家庭，常行梵行，精進修持，臨命終時，皆得蒙佛接引，往生極樂世界。
第四願者，願我現前衆等，乃至十方衆生，遠近恩怨眷屬，歷劫以來嗔惡邪見，貪愛煩惱，殺盜淫妄，一切惡念，無量無邊，皆能淨盡，永斷不起。
第五願者，願與現前衆等，皆得善緣，成就正行，財寶豐足，俾得應付一切幻緣，隨緣佈施，弘揚佛法，廣度衆生，自修無礙。

第六願者，願與現前衆等念佛之心，心心無間，念念相應，速證念佛三昧，永不退轉。

第七願者，願與現前衆等，因念佛一心故，頓悟圓明，得大智慧，通達一切佛法，成就辯才，隨機宣說，廣度衆生，屢不能礙。

第八願者，願與現前衆等，爲人演說妙法，而無疲倦，不爲名聞利養，稱譽得失，利衰毀譽之所轉移。

第九願者，願與現前衆等，一舉一動，一言一事，皆能成就律儀，敬善知識，爲人天師，安住梵行。

第十願者，願與現前衆等，及念佛人，臨命終時，先知時至，身心自在，正念分明，彌陀如來，與諸聖衆，手執金盃，來迎接我，如一念頃，生極樂國，生彼國已，成就無上正等菩提，隨意示現，化度一切衆生，聞者見者，咸生信心，永不退轉。

佛曆二千九百六十四年中華民國廿六年舊曆丁丑元且七期念佛法會大衆頂禮發願

【六】皈依淨土
(讚佛)速迦海會，彌阿如來，觀音勢至坐蓮臺，接引上金塔，大誓弘開，普願離塵埃。

南無迦迦海會佛菩薩(三稱)
(願經)佛說阿彌陀經(一週)
披一切業障根本，得生淨土陀羅尼(三週)

(讚佛)彌陀佛，大願王，慈悲喜捨難量，眉間常放白毫光，度衆生極樂邦，八德池中蓮九品，七寶妙樹成行，如來聖號若宣指，接引往西方，彌陀聖號若稱揚，同願往西方。

阿彌陀佛身金色 相好光明無等倫
白毫宛轉五須彌 紺目澄清四大海
光中化佛無數億 化菩薩衆亦無邊
四十八願度衆生 九品咸令登彼岸
(念佛)南無西方極樂世界大慈大悲阿彌陀佛

南無阿彌陀佛……阿彌陀佛(七天持念不斷)
南無觀世音菩薩(百聲)
南無大勢至菩薩(百聲)

南無清淨大海衆菩薩(百聲)
願以此功德 莊嚴佛淨土 上報四重恩 下濟三途苦 若有見聞者 悉發菩提心 盡此一報身 同生極樂國

【七】圓七廻迴
【八】禮佛皈依
自皈依佛 當願衆生 體解大道 發無上心(拜)
自皈依法 當願衆生 深入經藏 智慧如海(拜)
自皈依僧 當願衆生 統理大衆 一切無礙 和南聖衆(拜)

【九】佛七圓成(大衆對面立唱)
十方三世一切佛，一切菩薩摩訶薩，摩訶般若波羅蜜，(大衆同誦)
佛曆二九六三年完月淨業弟子林遠凡編述於汕頭佛教居士林

注意：該規儀連阿彌陀經已用大字排印成冊並有佛像或活用注釋俾便在家二衆平時合衆禮佛或自修課誦之用定名為「在家二衆念佛正範」贈送結緣函索附郵一分即行寄奉通訊處汕頭昇平路八十八號佛教居士林特刊社



上海護國息災法會演講詞

印光法師十一月廿二日講
畧云，昨日講淨土法門，今天講護國息災法會意義，所謂護國息災云者，是國如何護，災如何息，因是欲達此項目的，

有二種工作，一者臨時，二者平時，如能平時茹素念佛，以求護國息災，固有無限之功德，即臨時虔敬而求護息，亦有相當之效力，不過仍以平常

佛 教 居 士 特 刊

民國二十六年一月十五日

第卅九期

第六頁

體息爲好，蓋平素大家茹素念佛，願力相接，則邪氣消而正氣長，人人存好心，說好話，做好事，國家得護而災殃自消矣，我國古書有云，「不治已病治未病，不治已然治未然」蓋已然之治易曉，未然之治難明，夫治國亦如治病，有治標者，有治本者，治病者，是已然之治，若求其速效，所謂「頭痛醫頭，腳痛醫腳」，治其標也，其標既愈，然後再治其本，本既痊愈，則精神振起，方能奮發有爲，現者國家危難，已垂千鈞一髮之際，余以爲今日治國，須標本兼治，兼治之法，最妥善於念佛吃素，戒殺放生，而明乎因果，現在世界之趨運，吾人所受種種災難，皆是過去惡業所招，以致感受現在苦果，故知此惡業者，即過去惡因之所造成也，欲免苦果，須去苦因，過去已種之苦因，念佛懺悔，乃能消去，現在如不再種苦因，將來即能免受苦果，何謂苦因，貪瞋癡三毒是也，何謂善因，濟物利人是也，若人人明達因果之理，則諸惡莫作，衆善奉行，災害自無從起矣，惟今人不明因果之理，私欲填胸，無惡不作，祇知有己，不知有人，詎知利人即是利己，害人即是害己，故余平素常言，「因果爲治國平天下之大本」，舍因果而談治國平天下，何異緣木而求魚，吾未見其能有得也。

佛言「欲知前世因，今生受者是，欲知來世果，今生作者是」，如今生所作所爲，皆是善事，來世定得善果，如今生所作所爲，皆是惡事，來世定得惡果，易曰，「積善之家，必有余慶，積不善之家，必有余殃」，書曰，「作善者，降之百祥，作不善者，降之百殃」，其理與吾佛所講之因果正同，所謂誦者，餘報，非正報，正報者，本人來生所享受者也，此所謂本報本殃也，餘報乃在其子孫，餘慶，餘殃，皆其父祖所積而成者也。

世人不知因果，嘗謂人死後，則告了脫，無善惡果報，唯吾人須知人死之後，神識不滅，如人人能知神識不滅，則樂於爲善，若不知神識不滅，則任意縱欲，其產其妻，殺父殺母，種種罪惡，由此而生，皆斷滅見必至之結果，人人能諸惡莫作，衆善奉行，則天下太平，人人能諸惡莫作，然此尚非究竟法，究竟法，是在念佛，了生脫死，求生極樂，並須救倫盡分，闕邪存誠，則國運可轉，災難可消，蓋今日之災難，皆其業所召，如人人念佛行善，則共業可轉而劫消，如一二八惡戰時，念佛之家，得靈成者甚多，彼自己單修，尚存如此靈成，况人人共修者乎，故知國難亦可由衆人虔懇念佛挽回也，又如觀世音菩薩，以卅二應入國土身，尋聲救苦，如至誠誦觀音聖號，自能得感應，古今得靈成而見諸載記者甚夥，諸君可自翻閱之，除普門品中所述外，凡學佛者，應以佛身得度者，即現佛身而救度之，應以山河，橋梁，大地，道路身得度者，即現山河，大地，橋梁，道路身而救度之，現在之人，發信心者太少，不發信心者太多，若人人發信心，則何災不可消哉，且人之信心，須

在幼小時培養，凡爲父母者，在其子女知小時，即當教以因果之理，教倫盡分之道，若殆其長則習性已成，無能爲力，尤重者，必在於胎教，孕婦能如素念佛，行善去惡，目不視惡色，耳不聽惡聲，身不行惡事，口不出惡言，幼兒在胎中，不失正氣，天性精純，墮地後再加以教化，則無不可成爲善人者，周太任淑德懿行，故能成文王之盛德，印光常謂，治國平天下之權，女人應操其大半，良以家庭之中，主持家政者，多爲女人，男人多持外務，子女在家中若耳聞目染，皆受其母之教導影響所及，若幼時慣於自私自利，長大則可能教父殺母擄人利己之事無惡不作也，是故子女幼小時，切須養其善心，嚴加約束，要知今日殺人放火無惡不作之輩，皆從父母嬌生慣養而來，以孟子之聖，尚須賢母三遷其鄰，嚴加管理而成，况平庸者乎，現在女界高唱提高女權，實適得其反，以其任意胡行，不能自重其人格，且治國平天下之要道，在於女子身上，女子能將其子女教養成爲善人，則國家治而天下平矣，古人所謂相夫教子，實有至道存焉，今之女界視此爲弁髦，實爲大謬，望於此三

注書焉，且今世俗多稱婦人曰，「太太」不知太太二字之意義甚大，查太太二字之淵源，遠起周代，如太姜，如太任，太姬，皆賢德著稱，始成文王，武王之康德大業，為開國之聖母，由此觀之，太太為至尊無上之稱呼，現在女子，須有三太之德，方不負此實稱，其願在座諸位女居士，注意於相夫教子，以成好人，幸勿辜負此優美之稱號焉。其次須認真茹素，人與動物，原是同等，何忍殺其性命，以飽自己口腹，口身微受刀傷，即感痛苦，動物亦復如是，何能不覺痛苦，言念及此，心胆慘裂，何忍殺生而食之，况生食靈之人，易起殺機，今世之刀兵異種，皆由此而來，「欲知世上刀兵劫，但聽屠門夜半聲」之謂，

不過，尚有許多人不明佛法道理，而視戒茹素為難行，民國十年，余在南京，魏家莊見余時，即是如此，余遂告以戒茹素之法，乃使其熟讀余之戒茹素之文，十循，百循，千循，萬循，久之自可不食葷腥，魏居士實行不過二月，即絕不食葷矣，又上海黃浦之居士之母，不能食素，且不信食素為學佛要件，黃誦之教誨多日，未能成效，後余教以佛前代為懺悔，月餘，渠母茹素虔誠而享壽九十餘，故余望今日在會大眾，須從今日起注意戒茹素，並勸自己之父母子女及親友共同茹素，要知此亦護國息災之根本方法也，今日余所講者，為護國消災之意義，而實行方法，乃在念佛，茹素，諸君幸勿以為淺率不足介意也。



文



遊 法 性 寺

覺道入

民廿五秋游法性寺，已誌其大畧矣，冬與悟修知首重游古刹，得同鄉來桓，余漢文引路，朱子宮有降白馬石，視之，則石刊大悲咒，其事實則未詳也，與齋子禮大殿二界導師回生慈父，本師釋迦牟尼佛相，再觀菩提樹石刊六祖

相，有讚二，極同游目力，錄之以公諸世，故誌之，附贈二文。

六祖像讚【一】

際當月冷，庵涼月明，風靡非動舒寒心晴。人間天上覓不得，還照曹溪清史清，山翁與鹿續嘆也，只道得一半，且如何是那半，光舍萬象徹古今，慧日高懸天外昇，至元甲午住山法孫比丘宗寶拜讚泰定甲子七月廿八日住風巖嗣祖慈信拜立

【其二】

廓然無聖，萬機截斷，六合雲收，一輪月滿，照徹龍樓人未醒。流光少虛空懷恨，山翁與鹿續嘆也，只得道一半，且如何是那一半，流輝千古印澄潭，具眼之流當自看，至元甲午住山宗寶讚泰定甲子十月初五日信風巖嗣祖慈信拜立



法

彙

睡春慮集

禪密兼修，是方便法門，開門見山，不從漸入，不重事相，亦不偏談理論，下手即在心上用功，心念清淨，則生善提，超功入聖，若心念不清淨，即起惑業，斯即凡夫，惟聖因念作狂，惟狂克念作聖，故凡聖之分，只在心念而已，但其中俱關節過程，不可不知，禪宗參話頭與密法持真言，雖有自力佛力之不同，自他不一，同是不可說，同是以此鎖一切妄念，真言功用，更不可思議，故本法只持六字真言，不用話頭，即以此真言，破除一切妄念種子，待知見不生，妄念

已淨，自然真心現前，自佛他佛，一體相應，所謂關節者，參禪適分三關，即初關，重關，牢關，本法亦具三關，云何初關，學人持誦真言，持到萬念歸一，不起二念，名透初關，但此乃以石壓蚌，尚非究竟，云何二關，真言持到持而不持，不持而持，是

在持，自己亦不知，乃至同時好似有二人同持，是名二昧現前，亦名透二關，云何三關，真言持到真妄法三者不知，深入三昧，而得離持正定，一無所有，即證實相，一切具足，名透三關，從參禪者，透一二關者有之，透三關者甚難，此等關節，關係甚大，若不明瞭，則莫辨淺深，易蹈未得謂得，未證謂證之險，至修禪者，往往一句自心佛，成爲口頭禪，所謂十人九差路，而修密者，爭奇炫異，相上求相，皆非究竟。



念佛

時時行坐念彌陀 俗事顯無佛事多 無念念中無念念 不知世界有甚麼

吳蓮西

題馬祖道一禪師真像偈

真仍是假非原真 有緣會得本來人 一心瞻養真面目 遍滿十方無點塵

心齋悟三通濟三林友赴 鎮國禪寺受戒爲偈以祝

念念無違戒體 祝爾事理雙足 事即是本心 發願廣度天人

答林遠凡居士偈

梵音海潮音 十方魔不侵 今聞親付囑 頓發菩提心

答林遠凡居士偈

智者演妙法 一音普三根 獅子奮迅吼 驚醒夢裡人

戒相因教起

戒性本心持 戒今如是依 身心不離戒 我今如是依

雲山波浪千萬里

支外之因心莫辨 無人無我那是誰 那是誰無人我 人我分不分 本來人我何曾分 我即人今人亦我 人我緣分世界粉 空空寂寂是天君



讀 回 覺 經

淨覺居士

此經以覺性圓滿聖凡平等爲宗，以忘情等佛假行速成爲趣，如來在法性土，與諸大菩薩激揚一乘圓旨，文殊普賢等十二大菩薩。次第興問。論貫一經，其中以經首文殊普賢兩首爲最重，文殊一章，指出圓覺性海，出生菩提涅槃，爲一切如來因地法行，是標體，普賢一章，揭一離字以顯用，宗門謂離妄顯真，又云，一念回機，使同本得，但離妄緣，即如如佛，與此章意甚相合也，故云，知幻即離，不作方便，離幻即覺，亦無漸次，又云，幻從諸覺生，幻滅覺圓滿，是則文殊普賢兩章，全論大用，一起直入，頓悟頓修，頓修頓證，不落階級，乃全經之樞要，大乘之指歸，利根上智所宜用心者也，自第二普賢章以下，開頓爲漸，性相雙陳，理惑並闡，直至普覺一章，揭五行以助修，圓覺一章，立三期以取證，則中下根人，亦能沾益，是知此經雖爲大心衆生說圓頓法，而亦俯攝中下之機，三根普被，實爲十二部經之眼目也，疏釋以圭峯大疏通潤近釋爲最佳，可以細閱。

普賢章標離幻之旨。計有五重。(一)初云一切菩薩及末世衆生。應當遠離一切幻化虛妄境界。(二)是則聞聲見色時。不著於聲色。即不爲聲色所轉。古德所謂即此見聞非見聞。無餘聲色可呈君。便是知見無見境界。楞嚴所謂旋聞與聲脫。若約觀音圓通章。即是所入既寂。動靜二相。了然不生也。器。學佛工夫

曾在空塵境，塵境不空，即難自在解脫，此章指出一離字，正是空塵境之秘訣，不可忽畧，(二)次云，『由堅執持遠離心故，心如幻者，亦復遠離，』是則亡塵後，又復盡根也，約楞嚴觀音圓通，即聞所聞盡時也，(三)次曰『遠離為幻，亦復遠離，』是即空智，約楞嚴，即盡聞不住，費

所覺空也；(四)次曰，『遠離離幻，亦復離離』，即是滅空，約楞嚴，即空覺極圓，空所空滅也，(五)得無所離，即除諸幻，即楞嚴所謂生滅既滅，寂滅現前也，廬居士偈曰，十方同聚會，個個學無為，此是選佛場，心空及第歸，方到大休大歇之場，大徹大悟之境，華嚴合論云，以無作三昧，自體應真，客塵煩惱，全無體性，唯真體用，無貪瞋癡，任運即佛，一念相應，一念成佛，此是圓教成佛的旨也。



專 載

儒者學佛考

(續九)

子培

朱熹

朱熹，字元晦，號晦菴，婺源人，年十四，奉父遺命，受學於屏山(彙)劉草堂(勉之)胡橫溪(憲)之門，後見李延平，學益大進。延平之學，出於羅豫章(從產)豫章嘗學易於楊龜山，龜山蓋程門高足弟子也，故晦菴之學，一以二程為歸，後世並稱程朱，先生之學，大抵窮理以改其知，反躬以踐其實，而以居敬為主，平生著述甚多，世多知之，茲不舉。

概見。王漁洋池北偶談曰，劉屏山子彙，朱文公師也，其屏山詩集，往往多禪語，如牧牛頌云，軟草豐苗任滿前，蒼然斲斲以寒煙，直饒牧得渾純熟，痛處還應著一鞭，徑山寄道服云，淡信般動到草鞋，却慚衰病豈能堪，聊將佛日三端布，為造青州一領衫，祭案休誇綺與執，初圓製艾亦良難，此袍徧滿三千界，要與寒兒共解顏，此類是也。先生常語文公曰，吾少官莆田，以疾病，時接佛老之徒，聞其所謂清淨寂滅者，而心悅之，此語讀儒書，而後知吾道之大，其體用之全乃如此，故文公之學，初亦由禪入云，又佛祖通載，尤熹，潘子善，謂朱子年十八時，從學劉屏山，屏山意其必留心舉業，搜其篋，僅宗果大慧語錄一帙云，蓋是時大慧之學方盛，故朱子

亦慕之也。先生嘗曰，吳老乃是禪家之快，又曰，如吳佛日之徒，自是氣魄大，所以能鼓動一世，又曰，宗果謂如戴一車兵器，逐件取出來弄，弄了一件，又弄一件，便不是殺人手段，我只有寸鐵，便能殺人，以上均見朱子語類，可見朱子對於大慧果，不惟習聞其語，且頗致其推崇之意焉。歸元直指，載先生嘗以趙州狗子有佛性公案，質於大慧弟子開善道謙曰，竊向蒙大慧禪師開示狗子佛性公案，未有悟入，願授一言，誓所不違，後感山雲臥記談，載謙復書曰，十二時中，有事時應變，無事時回頭向這一會子上提撕狗子還有佛性也無，趙州云無，將這話頭，只管提撕，不要思量，不要穿鑿，不要生知見，不要強承當，如合眼跳黃河，莫問跳得過跳不過，盡十二分氣力打一跳，若真個跳得，這一跳便千了百當，只管跳，莫論得失，莫顧危亡，勇猛向前，更休擬議，若遲疑動念，便沒交涉也。由此以觀，朱子之於大慧，不惟讀其書，且已親其人矣，不惟讀其書，親其人，且與其弟子往來論道矣，攷指月錄，大慧之卒，為孝宗隆興元年辛未，又按朱子年譜，朱子是時年三十

有四，意者朱子問道於大慧，正其少年泛濫釋老時耶。

後道謙寂，朱子祭以文，其畧曰，我從昔學，讀易語孟，究觀古人之所以聖，既不自揆，欲造其風，道絕釋寒，卒莫能通，下從長者，問所當務，皆告之言，要須契悟，開悟之說，不出於禪，我於是時，則願學焉，師出領湖，我寓潭上，一傾聞之，但有瞻仰，丙寅之秋，師來拱宸，乃獲從容，笑語焚香，日親一日，請問此事，師則有言，決定不是，始知平生，徒自苦辛，去道日遠，無所問津，未及一年，師以訪去，我以役行，不得安任，往還之闕，見師者三，見必款留，朝夕咨參，師亦喜我，為說禪病，我亦感師，惟不速證，別其三日，中秋一書，已非手筆，知疾可瘳，前日禮懺，為欲往見，我喜作書，曰此良便，書已遺矣，僕夫過言，同舟之人，吾以訃傳，我驚便呼，問以何故，於戲痛哉，何等之遠，恭惟我師，具正通知，催我未悟，一莫能窺，揮金辦供，立於靈位，稽首如空，超詣一切，此文見解感編，其自序與道謙交情，可謂詳矣。

朱子文集，與汪應辰書曰，竊於釋氏之說，蓋嘗師其人，其道，求之亦切至矣，然未能有得，其後以先生君子之教，較乎先後緩急之序，於是暫置其說，而從事於吾學，其始蓋未嘗一日不往來於心也，以為俟卒究吾說而後求之，未為其晚耳，非敢遠縉絕之也，而一二年來，心有所自安，雖未能即有諸己，然欲復求之外學，以遂其初心，不可得矣，此書師其人之語，殆即指某僧及大慧而言，書又謂暫置其說，又謂未嘗一日不往來於心，又曰俟卒究吾說而後求之，未為其晚云，然則朱子雖舍釋入儒，而其低徊顧戀之情，固已躍然如見矣。

又朱子語類，辨靈源與伊川帖之妄，畧謂向見德光，示及某僧與伊川居士帖云云，德光，即大慧弟子也，然則朱子與大慧弟子，除道謙外，尚識德光也，語類又載，先生問德祥在四明曾到天童育王否，曰，到，曰，亦參禪否，曰，有時夜靜無事，見長老入室，亦覺心靜，先生笑問曰，德光何如，曰，不同渠事，自是大管人事云，先生一再語及德光，皆為其熟識德光之證，且地出於自言，故尤覺信而有徵也。

總之，先生初問道於某僧，繼請益於大慧，又因大慧而識其弟子道謙德光德祥等，此其大畧也，或問曰，今士大夫，晚年都被釋家引去者何耶，朱子曰，是他高似你，你平生讀許多書，記讀文章，所藉以取功名利祿之計者，到這裏都靠不得，所以被他降下，他的且省力，人誰不悅而趨之乎，又曰，佛書說六根，六論，四大，十二緣生，之類，皆極精妙，故前輩謂此孔孟所不及，又曰，四大即是魂魄，十二緣生出華嚴合論，佛說本源，盡去世間萬事，後却說出實際理地不受一塵，佛事門中不舍一法，又曰，金剛經大意，只在須菩提問云何住，云何降伏其心，兩句上，故說不應住法生心，

不應住色生心，應無所住而生其心，此答云何住，又說，若卵生胎生濕生化生，我皆令入無餘涅槃而滅度之，此答降伏其心，所謂降伏其心者，非謂欲遏伏此心，謂盡降伏世間一切衆生之心，後無餘涅槃，只是一無字，自此以後，只是著意，若見諸相非相，即見如來，此謂禪相，即名為佛，又曰，釋氏之學，與吾儒有相似處，如曰，有物先天地，無形本寂寥，能為萬衆主，不逐四時凋，又曰，江河大地，全屬法王身，又曰，若人識得心，大地無寸土，看他甚麼見識，今區區小儒，怎生出得他手，宜為他揮下也，明上所舉，均為朱子嘗讀佛書之據，以嘉靖間，東寧陳建，著學蔴通辨二十卷，力詆陸學之為禪，而辨朱學之非禪，激揚憤楚，剖析再三，至不勝激誦怒目之態，自吾人今日視之，其陸謂也，夫陸子固禪，朱子亦禪，但陸子天分高，所得較深，朱子天分不如陸子，所得較淺，此其異耳，若必謂陸子為禪而詆之，朱子非禪而重之，不惟不知得，亦不知陸子，且亦不知朱子矣。

朱子批評釋氏之語，多有可笑者，如謂釋氏之書，多是剽竊老子列子意思變換推衍而出，又謂佛氏之學，係出於楊朱，（均出語類）皆係無稽之談，宜乎象山對之，有學不見道，遂自擔擔之歎也。（特錄）



佛 教 消 息

仿製雍和宮

釋尊佛像南來

住粵四路總部秘書盧元衡于客冬集合廣州居士林同人發起迎請北平雍和宮之釋迦太子佛像來粵供養，先請北平李時品居士商之雍和宮執事喇嘛，召匠模鑄新像，並攝像身影片寄歸，現佛像已塑造完成，託由中國旅行社運粵，昨已抵達粵省，暫供於西橫街八和坊盧公館，不日移供市內名刹，考此佛像名為尊教轉輪結印釋迦牟尼佛像，乃東方藝術精華，為印度古銅所鑄，身高尺有二寸，雙膝盤坐，極為西域佛徒所重，至清乾隆始迎請來北平，佛像之背座檀木，刊其經過云，乾隆十年五月廿二日，奉特旨命西藏王頗羅鼎將有大利益佛像請至京城供奉，頗羅鼎遂與達賴喇嘛公同商定，交欽差副都統索拜恭請於本年九月廿五日至京具奏。奉旨供奉於雍和宮凡七十八字云。

福州法界學苑遷往北平

福州一般居士，因信仰慈舟體敬二法師道德學問，為近今難得之導師，爰發起福州羅山法界學苑，請二師主持以培育後進，開辦以來，學僧多能勤劬向學，苑中授學行持一切如法，極得佛教界讚美，現因慈舟法師應北平青島等處聘往講律，並接任北平淨遠寺住持，不克分身回閩，茲由諸護法決議

將學苑遷往北平，以便慈舟法師得以就近主持，遇有便輪全苑學生，即由體敬法師率領北平云。

無錫淨業社請塵空法師講經
無錫佛教淨業社，係該地佛教中知識分子與地方人士所組織，近發起淨業佛七息災法會，並請塵空法師蒞錫，主講覺海平等經，聽眾甚為踴躍。

江西豐城佛教居士林啓建佛七法會
江西豐城佛教居士林，孫作民，周梓臣，李明覺，周志誠等，發行舉行佛七法會，特請成安和尚常銘法師為主壇，有舉人徐文鐘，主事聶雲生等護法，自農曆去月初十日起至阿彌陀佛聖誕日止，每日參加極衆云。

西甯佛學會二週紀念並啓建各項道場
吳慧躬
西甯佛學會自導師心道法師東下後，一切會務囑託柳子羽吳子景蕭鑑三，曹龍章居士等盡力維持，該居士等努力宏揚，未曾少怠，特於觀音菩薩誕辰日啓建消災法會二七日，祈禱世界和平，並請柳子羽居士宣講普門品，又該會成立二週年紀念大會，在小鰲

山舉行慶祝典禮，並啓建幽冥道場七日，請蕭鑑三居士講佛法導論，無量壽經，吳子景居士講淨業法要，佛教歷史，當地各界男女居士參加極衆，誠為導師東下後第一次之勝舉云。

本 林 消 息

本林演講法會紀畧(續) 悟禪
廿五年國曆十二月廿(星期一)晚。第三十七次演講法會。教請鄭之棟居士演講。禮節如前講題「念佛三昧」。

十二月廿七(星期一)晚。第卅八次演講法會。教請鄭松生居士演講。禮節如前。講題「念佛之要」。

前廿四年演講法會四十二次廿四年以前演講法會廿五次共成法會一百零五次
廿六年一月三日(星期一)晚。第一百零六次演講法會。教請鄭之棟居士演講。禮節如前。講題「彌陀演義」。

一月十日(星期一)晚。第一百零七次演講法會。教請林遠凡居士講經。禮節如前。經題「金剛般若波羅蜜經」。

